

感舊集

〔版〕〔權〕〔所〕〔有〕

中華民國八年十二月初版



（每部八冊大洋一元八角）

印刷者 上海威海衛路
三百〇九號 有正印刷所

總發行所 上海望平街
北京廠西門 有正書局

分發行所

天津 奉天 漢口 南京
蘇州 杭州 廣州 鎮江
廈門 南昌 漢口 鎮江

有正分局

〔不〕〔許〕〔翻〕〔印〕

感舊集卷十五

漁洋山人選

德州盧見曾補傳

徐延壽

九首補遺一首

延壽字存永福建閩縣人有尺木集

漁洋詩話徐存永興公慤之子

也家鰲峯藏書與曹能始謝在杭埒亂後并田園盡失之將移家湖南道廣陵與予定交有過燕子磯詩云云有學集尺木集詩序存永方綺歲才藻麗逸余以孝穆期之後十餘年絳雲樓災存永寓書相三日之哭又七年以尺木集請序存永之詩富有日新至是而大就哭曹能始長篇述陽秋詢琬琰富矣哉古良史也往存永談閩詩深推其友許有介頃游南京見有介詩每逢佳處爬搔狂叫喜存永爲知言

登幔亭峯

孤峯矗雲起千仞何岩堯峯巔平若砥滿地皆靈苗王
子昔張幔曾孫宴通宵千人布瑤席萬丈橫飛橋我來
訪奇跡本爲山靈邀晴雲生杖底咫尺通扶搖俯仰天

地窄鶴馭安能招人閒實可哀曲罷風蕭蕭

題負薪圖

曉起入深林歸來日云夕持斧伐丁丁雲重兩肩濕不
與漁父言莫看仙人奕狂歌忽一聲前山啼木客

五老峯後萬松坪

濃翠侵衣冷迴環種萬松中間無別樹前面是何峯林
密遙藏寺山深晚聽鐘半空雲影散青吐五芙蓉

送邵肇復憲副蜀中屯鹽

使君千騎騁霜蹄橋柱休誇駟馬題貢賦分屯田上下
吟詩重過灤東西金刀峙漢存三國銅鼓征蠻過五溪
王事不辭行役苦亂山如劒郭公啼

建州符山寺別楚黃樊山園

共借僧寮一榻眠，離家愁說兩經年。
斷雲古驛過樵水，涼雨孤舟憶楚天。
千里別情芳草外，五更殘夢落花前。
城南歌舞今消歇，又見關山月上弦。

新淦縣拜周公瑾墓

水畔巴邱古縣開，周郎祠宇傍泉臺。
霸圖當日成何事，才子無年實可哀。
荆楚干戈終古恨，小喬環珮幾時來。
天涯孤客逢寒食，特爲停舟酹一杯。

暮過燕子磯

馮夷吹浪啣山根，雲樹千重暗白門。
舊壘尚聞雙燕語，空江曾見六龍奔。
楊花暮雪行人路，杜宇春風古帝魂。

扣枻中流頻喚酒客情難遣是黃昏

南歸渡揚子

浩浩悲歌擊楫聲
瓜洲煙火聚寒城
空言天塹分南北
不使中原罷戰爭
漂泊孤身衣有淚
興亡終古水無聲
惟餘兩點金焦在
日見潮痕落又生

霖臣過綠玉齋同克張小飲

柴門雨歇履聲聞
逕草春香盡種芸
綠醕花前消永晝
白衣天外看浮雲
三人入座無殘客
終日開牕有此君
芳草不堪懷遠道
夢中金虎闔閭墳

法海寺訪空生上人

以下補遺

隨身瓢與笠此外更無餘
懶補破衣著愛尋貧寺居香

厨三頓粥石榻半牀書日見禪窗下甘蕉綠漸疎

望岱

芙蓉插漢遠開屏七十曾封岱嶽靈未向天東攀絕頂
先於雲際望真形吳門匹馬猶懸白齊野盤螺不斷青
日觀峯高何處是歸鞭端欲看滄溟

陳

濬

一首

濬字開仲福建閩縣人

列朝詩小傳陳秀才衍字磐生閩人自其父以上五世皆有集傳閩

中磐生篤學好古少受學於董應舉長與徐燭徐勣相切磨爲詩文老於場屋好談邊事利害及將相大畧窮老氣盡不少衰止子濬亦有才名

贈李小有

落魄誰知己先生六十身行藏皆不偶名姓自相親詩
卷藏僧寺琴囊賣里人可憐天下士江上獨傷春

朱爾邁 三十二首

爾邁字人遠嘉徵子浙江海寧人有平山堂臺

精華錄送陸冰修兼寄朱生

詩故人朱季在何處駕飛鴻

夷陵夜泊

天半夷陵道扁舟獨夜來城孤懸楚望月冷失秦灰戎馬青山在蓬蒿白骨開巴歌聽已矣迸入嶺猿哀

黃陵廟

日夜黃陵廟灘聲轉不休流來蜀帝恨散作楚宮愁俎豆垂江石興亡問野鷗應知明德遠猶爲禹功留

舟中晨坐夷陵作

邊馬嘶寒急霜風割面來空垂去國淚何處望鄉臺形

影親孤劒波濤送一杯荒殘今更甚不必問秦灰

巫山十二峯望神女廟

東南佳氣散層霄萬仞芙蓉挂泐寥錦樹秋飛珠佩近
石屏春轉玉臺遙乍疑舉袂雲連雨却道含情暮復朝
采采涉江花落去最憐無路報瓊瑤

涪州道中

楊柳天邊樹征夫未忍攀雨遙三楚戍春入五溪蠻犬
馬分新歲漁樵失舊山莫彈行路曲吾道正閒關

珍木歎

歲難若珍木露氣滋芬芳挺立城東隅儼然君子行植
自何年代榮落竟無常想汝生植時天地當樂康人事

無天札聖主垂衣裳時和萬物遂草木揚輝光爲汝非
凡藹移根白玉堂翠羽飾幃障金鑰啓明窓覆之赤墻
土沃以瓊瑤漿何以娛其下游戲雙鴛鴦亦有巢其巔
飛來紫鳳皇相當復相對羅列成文章一朝垂圓實驚
香殊未央委身在雕盤吹氣溢蘭房美人重華色出入
綺羅裳臨風展心懷歡愛無青黃誰知霜露至人物同
悽愴主人變黃土珍木徒蒼蒼蒼蒼且勿保樵豎尋斧
戕狐兔穴舊根鵲巢恣翱翔榛蕪蔽白骨池館亦淪荒
豈無春風迴新枝日漸長有實無人收念之摧肝腸

末子

壯夫七尺軀攀龍駕雲霧朝憩若木津日夕披桂樹偶

然汗漫遊乍向人閒住人閒何鬱紆草木多積腐末子
一細微託身安且固出入肘腋閒倉卒每驚顧羽扇不
能揮綺疏恣飛渡其來寂無聲飽食翩然去迴笑營營
蠅翻爲白壁汗我本餐霞人紅顏與時駐逝將凌九垓
咫尺青雲路瑣瑣爾何施嚙膚滋人懼爲此著于篇當
亦關世故

蝦蟇草

蝦蟇秉太陰託身在月窟本是微細蟲竟爲天上物如
何流毒餘根蒂邱中茁連延白玉除戎戎敷華實芝蘭
忝同生蓬麻固分植秋風颯然披憔悴等枯折爾獨冬
夏青向人恣噬嚙我行蜀道難十步九蹶躓相遇復相

親防爾時草竊腰鎌三磨須滋蔓從此絕

戎州夜月

夜明看似水愁殺月紛紛一片江城白飛心滿蜀雲斷
碁無復擣哀笛那堪聞最是峩眉頂長年獨見君

天池歌

將軍讌客出城隅車馬連雲雜沓趨雕盤綺食錦璫瑜
高張毳幕臨芙蕖芙蕖乍開光灼灼接葉披花恣盤礴
白雪飛聲天上落碧筒淥酒隨斟酌中有一人忽淚流
哀絃彈出古戎州子丑年閒天地愁大西日熾姚黃留
荒茅新骨堆山邱況乃城闕滿豺虎獐獐噬人相嘯聚
有田不耕屋無主瘡痍剩留二百戶倉箱那得分禾黍

此時珠簾碧玉階，屠蘇香散空金罍。
紫鳳天吳顛倒裁，朱唇玉面蒙塵埃。
荷花滿池誰共來，只有飢民出九死。
匍匐池頭問菱米，摘來滿把甘如薺。
上飽高年下妻子，一家猶恐無完理。
且喜今朝得暫存，奔走新知官府尊。
朝肩薪水候轅門，暮聽金鼓如雲屯。
雕弓羽箭驚心魂，又傳縣帖紛紛在。
驛站僮夫並招買，應之鄰里難分灑。
不應惟恐重獲罪，一身三役誰能解。
為此羽聲慘不和，請君且聽天池歌。
天池菱米生復多，好待流民日夕過。
池涸菱枯奈爾何。

戎州作

匹馬登城暮蒼涼，極望閒青衣天半。
水鳥撒障餘山風。

激邊笳裂霜危峽草斑獨攜雄劒在長嘯拂金鐐

俯江亭秋眺

五子池邊樹影稀鬱孤臺下亂雲飛仙茅莫慰飢民鋪
錦石難分織女機落雁城空月皎皎打魚江靜雨霏霏
荒涼且勿圖安土猶恐君王宵旰違

風高木落遍滄洲龍馬江光抱日流北引荒荒蠻樹直
東連淦淦楚雲浮百年兵甲分天塹萬國車書阻上游
草野何人收戰骨黃沙不散鐵衣秋

特立縹緲山之亭無邊瀘水吹冥冥孤軍曾閃旌旆月
獨客誰憐鬢髮星天林秋標瘴草白石城晝壓霜華青
三分漢業去已久遺表出師空淚零

古洞陰崖積翠攢仙人恍惚駐雲端卽非李耳青羊肆
猶見王喬白玉棺丹竈煙花秋似暖石林冰雪夏嘗寒
夜深恐有吹簫至一倍紅顏惜羽翰

瀘陽舟次得月志喜

相依且萬里皎皎見君心假以鄒筒酒因之吳會吟岸
高懸水碓江冷咽霜砧不盡蕭森意徘徊楓樹林

重次渝城望三關

昔我上三關匹馬何風發草青嘶益驕高下凌出沒顧
見雙石門峨嵋接天關虎眇一夫雄萬人豈能越可憐
戰伐移竟爲豺狼窟酒肉厭朱門風雨閉白骨亦有桃
李花開落春三月千里無人煙棲宿在林樾今我泛舟

還風波走鯢飢一望去時路嚴霜披楫杌哀猿啼不休
飢鳥啄空穴天地終茫茫人事多鬱結漫拭青萍刀更
拂珊瑚玦乘時在壯年俯仰慙時哲

東青驛見梅花

萬里飄零首重迴東青古驛見寒梅若爲遠客衝風盡
那復新花待臘開鐵笛橫吹江瘴斷玉峯遙挂酒船來
年年浪逐巴人俗白雪高歌醉嬾裁

望酉陽積雪

積雪望中明長空類削成寒峯開霽色萬里照孤征風
捲蠻江濶雲移瘴海平古今懷設險南服信崢嶸

亭溪歌

九解

濯纓苧溪流爲君歌白苧白苧聲烏烏出涕零如雨

解一

憶昔苧溪邊游人午夜聯交橫金鑿落來往鐵連錢

解二

公子彈銀箏佳人理瑤瑟月落苧溪寒坐待初生日

解三

躍馬誰家兒雕弓金僕姑倚笑當壚人氣凌馮子都

解四

少年身手強駕船如走馬畫槳朱旗杆聲援三峽下

解五

關市南京街諸將紛羅拜至今天子城不呼磨盤砮

解六

磨盤砮草青草青復黃落君家氣勢雄反手王侯爵

解七

勸君且停歌歌長喚酒醒勸君莫洗耳耳清溪水冷

解八

溪水不斷流流自石橋裏橋存人事非依舊苧溪水

解九

巫山曲

巫山一何盤盤東南初日團團照我綠波增瀾盈盈彼